

東華錄

康熙二十二

臣王先謙敬編

臣周倫蕃恭校

秋七月己亥朔安塘筆帖式報海賊攻陷海澄長泰二

軍康熙

統領希佛陟亡副都統穆赫林提督段應舉俱自縊

長泰既陷賊必猖獗閩省大兵無幾宜就近調發以資

應宜請

華善所留江南京口漢軍兵四百人及京口將軍王之

等奏請

軍兵六百人令副都統馬思文率之馳赴福建聽大將

王

調遣京口地方亦關重要宜發京師漢軍兵一千令副都統關保

率往協守至日聽將軍王之鼎統轄又諭康親王傑書等官兵失

援海澄恐因之自沮將軍大臣當時加鼓勵果能滅賊恢復則前

自釋仍予議敘其通行曉諭尋傑書奏海澄糧盡六月初十日

日兵委城突出海澄遂陷將軍賴塔喇哈等所統官兵甚衆卒不能解海澄之圍致虧損將士宜卽從重擬罪但見在禦賊俟軍務稍暇另行察議臣旣身任調遣之責罪亦難追得旨海澄何以不能救援其令將軍賴塔等明白具奏康親王俟事平日常議至於海澄突出官兵久被圍困勞瘁已甚該督撫其支取正項錢糧辦馬匹鎧仗給之○先是前鋒統領薩克察巴圖魯請援兵擊退永興之賊將軍私請永興軍事已付大將軍簡親王凡事宜請於王簡親王喇布以聞得旨防守江西全省及湖南平陵永興諸處凡有敕旨督署穆占名於前簡親王名於後蓋倚穆占實德初未分別汎守也今穆占因永興兩次失利輒思巧脫檄稱永興屬簡親王之地於往者屢次詔旨殊屬違戾穆占簡親王自今以往毋得互分彼此所有閒地汎兵悉行撤回無論郴州永興遇逆賊

來犯卽大振兵力以期盪滅○庚子諭宗人府貝子傅喇塔係宗室懿親爲國宣力躬履行間勦禦賊寇撫綏兵民平定地方勦賊茂著積勞薨逝深爲可憫理應優卹以示朕酬庸之意不拘定例著封其子傅善仍爲固山貝子次子福存爲鎮國公○諭奉命大將軍康親王傑書近聞海澄被陷大臣提督俱各自盡殊爲悽惻前以初至兵力卽當削平山海諸寇因爾等輕視賊衆止却休養士卒有失遠謀以至於此今勢不可緩緩則賊可據守地方積蓄糧草固其濠壘所關非細或有眚類來此蠢動亦未可定王其悉心籌度謀出萬全速滅賊氛慰朕懸切行間諸事王應統爲陳奏特此密諭○諭征南將軍都統穆占爾等近來行兵致有大臣陣亡聞之不勝傷悼兼之爾將軍彼此推諉以非己汎爲辭恐於事或有誤深爲憂之爾等爭執雖屬細事但爾前此欲將簡親王兵

爾相繼前進止留將軍額駙華善副都統希福鎮守陳請前來
朕未允之蓋以江西地方所關甚鉅且無接續之兵此將軍等所
悉知兩將軍商榷萬全務令江西不生事變屢有諭旨何至尙塵
朕懷今簡親王留鎮在彼尙有此事爾復藉口非己汎地驚如所
請遣簡親王繼爾進兵今此賊衆又將何兵禦之滿兵之勢貴聚
聚則處處攻戰如克有濟若無用空城使滿兵分駐以寡力而遇
賊輕戰有志氣者盡沒行陣無賴之徒俱行敗北如此則實爲可
慮滿兵關繫極爲重大利戰則戰利守則守宜合全力以禦賊衆
若徒分守恢復之空城似乎不可今福建廣東情形亦不甚妥爾
等當同心協力保固地方特此密諭○辛丑撫蠻滅寇將軍廣
巡撫傅宏烈奏吳逆調各路賊兵數萬渡河與我兵對壘六月初
十日我兵失利退守鬱林屢請援師竟無應者今惟望臣舊標惠

潮兵至合力齊舉庶可成功得旨鬱林關驛最重將軍莽依圖額
楚總督金光祖速遣官兵馳往應援儻賊勢盛我兵難以拒守將
軍傅宏烈都統勒貝等應退至要害之地會同莽依圖等協力守
禦都統馬九玉行已兩月逗遛不進甚屬不合宜檄令速赴信州
平南王尙之信總督金光祖速備夫船以濟傅宏烈舊標惠潮官
兵毋誤前進○甲辰諭議政王大臣等據福建所報海賊劉國軒
等攻取同安水陸犯泉州前大將軍簡親王奏永興等處賊勢稍
退已敕將軍穆占撤閒地之兵鎮防險要而大將軍安親王所遣
援師已抵攸縣岳州大兵復水陸齊舉賊欲深入能不懾歸路阻
絕耶向以永興警急江右可虞因令署副都統岳爾多率師赴江
西今閩中事迫岳爾多仍率師赴福建並移文江浙督撫將軍等
及各撥馬千匹給岳爾多兵俾兼程馳往副都統馬思文自京率

漢軍兵四百名亦與岳爾多同行移文大將軍康親王備夫船於浦城迎取大兵勿致有誤將軍王之鼎標兵六百名不必率往福建可仍留京口見今所發漢軍兵一千令副都統關保率赴江西南昌俟陝西所遣兵至江西視何處當用卽協力從事並移會將軍穆占大將軍簡親王知悉○戊申以朱德宜爲刑部尙書

由左

都御史

○安遠靖寇大將軍貝勒尙善奏我兵旣水陸攻岳請敕順

承郡王量留鎮兵於彝陵荊州諸處速撥每佐領兵各五名綠旗兵五千名馳赴岳州軍前得旨擊破逆賊規定湖南在此一舉今逆賊大勢偏注於廣西鬱林湖廣郴州永興諸處順承郡王等其勿以彼此異視務裨國事酌量留兵以守荊州彝陵諸處餘兵悉發岳州○議政王大臣議覆奉命大將軍康親王傑書密奏討逆將軍劉進忠總兵官劉炎見在臣軍但伊等獲罪殊重深自疑懼

今值調兵前進而山海醜類蜂起恐伊等中懷叵測殆不可定請
旨定奪查將軍劉進忠總兵官劉炎久厯海疆於逆賊情偽地方
形勢在所熟悉應移文大將軍康親王令彼等馳驛來京臣等詳
詢明白再議具題從之○予江西陣亡逆擊趙璟官廕○乙卯工
部議覆河道總督靳輔奏臣前奏高家堰石工高有七尺其土隄
應加高三尺今石工再加三尺與土隄平然後另加土隄三尺再
高家堰高良瀾一帶因水沒隄根隄身單薄必須加築戢隄一道
方爲萬全從之○工部議覆河道總督靳輔奏臣前奏黃河兩岸
將挑河之土分築遙纓格隄今勘有舊遙隄貼近河身擬以舊隄
爲纓隄於舊隄之外另築遙隄又前奏挑土築隄須十夫工程者
今因逐層分杵非易擬用夫十五六名又前奏用驢運土今因各
夫不諳喂養議用車運又前奏離隄三十丈內不許取土今因宿

桃源等縣人力弱而工程多改令二十丈以外隨便取土又前
麥河之兩旁各挑引河一道今因工費浩繁除清河北岸等處必
須挑挖者仍相機挑挖外其餘俱用鐵掃帚濬深河底又前奏造
濬河船二百九十六隻因不敷用今議添造三百餘隻從之○征
南將軍都統穆占奏臣屢啟大將軍簡親王請令和碩額駙華善
等援永興迄今未遣華善等既未嘗往破浮橋又不赴永興宜調
來代臣守郴州俾臣往取耒陽或擊來犯之賊其在永興諸臣於
賊來攻城時竟不拒截坐令三面受圍且永興所有滿兵每佐領
八名有餘綠旗復及三千未嘗一戰應請處分得旨前授和碩額
駙華善爲將軍署副都統多諾爲參贊敕令遣往永興何以至今
不遣其於急要軍務貽誤非淺賊寇情形本令不時報聞比來並
無所報殊屬不合簡親王俱明白回奏華善可否應往州郴穆占

可否來永興簡親王與穆占詳議至於永興兵力不爲不足護軍

統領喇賽等不行退賊之故簡親王嚴密以聞○丁巳轉張士甄

爲吏部左侍郎以劉捷爲吏部右侍郎

山左副都御史遷

○撫蠻滅寇將

軍廣西巡撫傅宏烈等自容縣退駐藤縣奏言廣西事不可問梧

州亦復可虞請遣大臣一員令覲臣營進止並請馬九玉與臣台

營效力得旨廣西軍務已委任將軍莽依圖額楚何宏烈都統勒

貝副都統額赫納等自宜殫心籌畫和衷協謀期濟大事不必更

遣大臣莽依圖等務相度機宜可進則進否則暫守要地整飭軍

馬待時而動其馬九玉原令將軍等隨宜調遣不必合營○戊午

福建總督姚啟聖奏設兵桿守本期有裨實用鎮將各官多以食

餉兵丁充伴當書記軍牢等役至臨陣十不得七臣標亦有軍牢

守役俱經全革另募入伍以足兵額上諭兵部總督姚啟聖革

選伊標軍牢等役另募入伍有裨勦禦可嘉直隸各省綠旗兵丁經制額數專爲防守汛地征勦賊寇而設該管各官自宜實足兵數以資戰守督撫提鎮等經制兵內如有充件富書記車牢以及馬夫水夫等役悉行裁汰務足兵額儻仍不改陋習因循踵行該督等糾如從重治罪若督撫徇庇不糾或爲科道指參或被旁人首發治以徇庇之非決不輕貸其通行曉諭（奉命大將軍康親王傑書奏副都統雅塔理棄同安退入泉州賊遂直前圍泉州副都統紀爾他布提督石調聲退至興化惠安復陷臣隨檄將軍賴塔總督姚啟聖守漳州調將軍喇哈達速率兵來援泉州得旨海逆日以猖獗同安惠安相繼久陷泉州見被賊圍速宜調兵救援可檄趣署副都統岳爾多疾馳以往平南王向之信所遣副都統尙之璋廣東提督侯襲爵等抵潮州日同總兵官馬三奇固守潮

州著靖南王耿精忠侍郎達都等自潮州率官兵馳赴福建與喇哈達等協力剿除海逆以解泉州之圍既而傑書復奏閩省地方失陷所在道路梗塞更屬堪虞惟望署副都統岳爾多統兵來至上諭兵部岳爾多自出征以來初無寸效今令率兵往援泉州復不借道疾馳稽延時日殊屬不合著嚴催速進○已未先是

上諭詹事宜昌阿曰我水陸大兵並進攻岳州今或宜戰克或宜困取何時何日可以恢復其確探明白速行奏聞至是宜昌阿奏今水陸圍岳州而九貴山至今未獲駐兵故賊得往來此地以通樵採如岳州不下長沙無船可用而荊州大兵亦不能渡江宜固守長沙荊州調餘兵以困岳州俾內外不通斷其樵採賊勢困窮則十日內外似可克復然軍機朝夕有變今賊勢窮蹙衆心惶懼如有機可乘卽旦暮克取亦不可定得旨岳州爲湖南咽喉要

地必此處恢復則長沙荊州之兵始能前進大將軍順承郡王所部兵數不少攻取岳州事關最要宜如大將軍貝勒尙善前奏所請速遣滿漢兵馳赴岳州其陝西往江西之兵可勿往江西遣赴岳州將至岳州時如永興圍解卽留此兵於岳州同順承郡王所遣兵併力進攻岳州德永興之圍未解則令此兵由岳州起大將軍前隸王軍前河南安慶俱近岳州河南巡撫黃國興可遣標兵一千五百人安徽巡撫徐國相遣標兵五百人令賢能官總領俱赴岳州將軍阿密達抵南昌釋甘度海等亦率之赴簡親王軍原護軍四十人俱令同往岳州此諸路兵抵岳州貝勒尙善量增其軍所有水陸官兵於九貴山設立一營但有可克之機卽進兵攻取○征南將軍都統穆占奏逆賊三面圍永興水陸道阻臣因復酌遣護軍甲兵綠旗兵及火礮令副都統布舒庫率之行會署調

都統尼雅漢堅壁河南岸永興內外一切軍機令與喇賽薩克察巴圖魯合謀而動但郴州諸處廣遠遼闊鎮守乏兵請遣江西贛州總兵官哲爾肯並其標下官兵速赴臣軍得旨平定湖南剿除逆賊俱委任將軍穆占大將軍簡親王等穆占宜親赴永興撲滅賊衆頃者都統王國棟率兵往鎮宜章宜章與郴州相近總兵官哲爾肯不必赴穆占軍前也○撫蠻滅寇將軍廣西巡撫傅宏烈奏僞總兵何興久踞桂東桂陽上猶崇義江楚交界地方臣遣隨征知縣王世諾招諭隨率兵丁一萬餘投誠下部議敘○庚申子故刑部尙書姚文然祭葬諡端恪○吏部題各省題薦人員原令其作速起程今陝西李容王宏撰江南汪琬張九徵周燾曾彭桂潘耒嵇宗孟張新標吳元龍蔡方炳直隸杜越范必英浙江應搗謙山西范鄯鼎江西魏禧並以疾辭陝西李因篤以母老辭相應

咨催赴京得旨李因篤等既經諸臣以學問淵通文藻瑰麗薦舉
該督撫作速起送來京以副朕求賢至意○先是平南王尙之信
奏臣弟尙之孝向蒙授平南大將軍之職藩下鎮將曾經統領今
與臣共居一城體統難施每每引嫌心不自安請調尙之孝赴京
師別用 上允其來京至日給一品頂帶食正一品俸已而尙之
孝奏臣詣闕請罪分當誅戮過蒙寬宥巨願募兵三千赴王及將
軍軍前勦賊報效得旨尙之孝既請募兵效力以報國恩可授宣
義將軍暫駐江西南昌聽募兵三千俟兵數募足軍械完備赴大
將軍簡親王軍前征勦逆賊○安遠靖寇大將軍貝勒尙善奏舟
師敗賊於岳陽湖僞將軍杜輝等乘船犯柳林背我師迎敵君山
扁山舟師亦來合擊賊敗走斬獲甚多沈其賊船方進戰時夸蘭
大薩爾海鈞杜輝船賊擲火薩爾海之船被毀署護軍統領查喇

克圖以舟助戰救薩爾海及兵百餘人並奪賊船而還 上諭署

護軍統領查喇克圖助戰奪賊船可嘉惠平議敘嗣後我舟進與

賊戰有鄰近舟艦能助奪賊船者記名待敘其移知貝勒尙善俾

通行傳諭（壬戌）上詣鞏華城○以魏家樞爲左都御史

山戶部左

侍郎○申子 上回宮○遣兵部侍郎郭丕員外郎舒恕赴湖南

按問軍中事宜諭之曰將軍穆占屢奏言大將軍簡親王援師不

應機遣發致事不克濟簡親王何故不遣官兵其穆占前報逆賊

全刀偏注郴州果曾偪犯郴州否如未嘗來犯則郴州永興之間

相距甚近穆占何故不勦滅永興逆賊以至若是此等事由可明

確察訪至地方形勢永興前後兩戰及逆賊侵犯情形一併察明

嚴取供詞以奏今羣賊肆犯永興其郴州宜別委大臣量留官兵

鎮守穆占身率大兵前赴永興爾等至彼或應調穆占前赴永興

或應仍留郴州其與穆占簡親王詳確定議一面進發一面奏聞
復令傳諭穆占曰穆占不量地方緩急不遣重兵鎮守致賊犯永
興及請濟師又不迅遣精銳官兵併力而往我朝諸將遇敵雖兵
力單弱亦不退縮必奮勇攻擊是以都統宜理布護軍統領哈克
山等陷歿於陣夫爲將者當以朝廷大事爲念徒爲身計獨留精
兵自護軍機坐失職此之由況穆占陛辭時曾面諭凡有分遣必
厚兵力頃永興兩次失利朕心深爲縈慮蓋緣穆占不厚兵力不
調發精銳之所致耳如近者大兵圍困長沙岳州豈不可使併力
平濠拔杞肉薄而攻破毀其城但朕心憫惻不忍官兵慘罹鋒鏑
故令大隊舟師前進其諭穆占知之○戊辰安遠靖寇大將軍貝
勒尙善奏吳逆於水陸要路在處固守套河峽係洞庭湖要口我
兵進勦門戶賊設椿木欄阻兵船總兵官禹正色兩次進兵砍倒

椿木從此舟師直進逆賊旦夕可平下部議敘又奏討逆將軍都統鄂內敗賊杜巴姜等於柳林背殺賊千餘名下部議敘

八月己巳朔以朱裴爲左副都御史

由太常寺卿遷

○以葉映榴爲陝西

按察使

由郎中

○庚午奉命大將軍康親王傑書等奏海澄公黃芳

泰年少柔懦不勝兵事得旨海澄公黃芳泰功臣之嗣旣年少不

能軍而仍授以兵儻至失律恐反爲彼罪且於地方無益可令黃

芳泰及黃芳世之子並其家屬俱赴京師務安置得所以副朕始

終保全至意其標下官兵督撫等察其可用者補入各營罷老不

堪者量行安插得所○諭兵部向因靖南王耿精忠勦賊外出遣

鎮平將軍耿昭忠赴閩暫理旗務今耿精忠還省城耿昭忠可撫

其祖父骸骨來京○靖逆將軍甘肅提督侯張勇奏臣與提督孫

思克及理事官拉篤祐選擇通事密行遠探囑爾丹情形據回報